

Y gronfa buddsoddi effaith newydd ar gyfer diwylliant a threftadaeth

04/03/2020



Rydym yn un o saith buddsoddwyr yn y Gronfa Effaith y Celfyddydau a Diwylliant, sef y gronfa fuddsoddi effaith gymdeithasol fwyaf o'i bath.

Bydd Cronfa Effaith y Celfyddydau a Diwylliant yn cynnig benthyciadau rhwng **£150,000 ac £1miliwn** gyda chyfnod ad-dalu o 10 mlynedd. Cyfanswm y pot buddsoddi fydd o leiaf £20miliwn.

"Rydym yn gyffrous iawn i fod yn rhan o'r cydweithio newydd yma a fydd yn cefnogi'r sector diwylliannol a threftadaeth i fod yn fwy arloesol, gwydn a chynaliadwy."

René Olivieri, Cadeirydd dros dro Cronfa Dreftadaeth y Loteri Genedlaethol

Mae'r Gronfa yn agored i geisiadau gan sefydliadau o bob maint ar draws y sectorau celfyddydau, diwylliant a threftadaeth yn y DU. Mae'n targedu'n benodol sefydliadau sy'n gwneud effaith gymdeithasol glir, gan gynnwys amgueddfeydd, llyfrgelloedd, archifau a sefydliadau treftadaeth.

Y nod yw helpu'r sefydliadau hyn i arloesi a thyfu.



Dyn gyda drwm traddodiadol. Credyd: Nick Karvounis

Dywedodd René Olivieri, Cadeirydd dros dro Cronfa Dreftadaeth y Loteri Genedlaethol: "Rydym yn gyffrous iawn i fod yn rhan o'r cydweithio newydd yma a fydd yn cefnogi'r sector diwylliannol a threftadaeth i fod yn fwy arloesol, gwydn a chynaliadwy. Mae Cronfa Effaith y Celfyddydau a Diwylliant, y fwyaf o'i bath, yn cynnig cyfle gwych ar gyfer newid a fydd yn helpu sefydliadau i gynyddu eu heffaith gadarnhaol ar bobl a chymunedau."

Mae Cronfa Effaith y Celfyddydau a Diwylliant yn cael ei lansio gan sefydliad arloesedd NESTA, sydd wedi ymrwymo £6m. Mae Cronfa Dreftadaeth y Loteri Genedlaethol wedi ymrwymo £2m, gyda rhagor o arian yn dod o:

- Cyngor Celfyddydau Lloegr
- Sefydliad Esmee Fairbairn
- Big Society Capital
- Bank of America Merrill Lynch

Gallai'r rhai sy'n cael y benthyciadau elwa hefyd o gael cymorth ychwanegol gan NESTA, megis cyngor busnes.

Mae'r Gronfa Effaith y Celfyddydau a Diwylliant yn dilyn Cronfa Effaith Gelfyddydol NESTA a'r Gronfa Datblygu Effaith Ddiwylliannol, sy'n cefnogi sefydliadau fel Canolfan ac Amgueddfa Genedlaethol yr Holocaust a Ballet Brenhinol Birmingham.

Darganfyddwch fwy ac ymgeisiwch ar [wefan Cyllid Celfyddydau a Diwylliant](#).

Ein buddsoddiadau

Fel rhan o'n [Fframwaith Ariannu Strategol 2019-2024](#), rydym wedi ymrwmo i ehangu ein cylch gwaith i gynnwys buddsoddiad cymdeithasol. Rydym hefyd yn buddsoddi mewn [cyllid newydd ar gyfer hyfforddiant sgiliau busnes a mentergarwch](#).

Efallai y bydd gennych chi ddiddordeb hefyd mewn ...

Newyddion

[Deuddeg prosiect arloesol ar y rhestr fer ar gyfer Gwobrau Treftdaeth Gorwelion](#)

Mae Cronfa Dreftadaeth y Loteri Genedlaethol yn gwahodd 12 o brosiectau sydd wedi dangos gweledigaeth, uchelgais a'r potensial i fod yn wirioneddol drawsnewidiol i gyflwyno cais i'r Gwobrau

Publications

Fframwaith Ariannu Strategol 2019-2024

Mae'n nodi sut rydym yn: disgwyl buddsoddi tua £1.2 biliwn yn nhreftadaeth y DU yn cyflwyno portffolio symlach o wneud grantiau canolbwyntio fwyfwy ar lesiant, meithrin gallu ac arloesi (yn genedlaethol ac yn rhyngwladol), ymhlith eraill archwilio'r defnydd o fuddsoddiad cymdeithasol ymrwymo i fwy o

Blogiau

Cyllid newydd ar gyfer rhaglenni hyfforddi sgiliau menter a busnes

Mae cyllid bellach ar gael ar gyfer rhaglenni hyfforddi ledled y DU i gefnogi sefydliadau sy'n gweithio gyda threftadaeth er mwyn datblygu eu sgiliau a'u hyder mewn menter ac arweinyddiaeth a rheolaeth sefydliadol.

20/12/2019